



# Medicaid hauv Wisconsin: A txog Z

## MEDICAID IN WISCONSIN: A TO Z

Wisconsin Medicaid yog ib txoj kev pab sib koom los ntawm tsoom fwm teb chaws thiab lub xeev uas muab kev pab them nqi kho mob, kev tu xyuas mus ntev, thiab lwm cov kev pab kho zoo tshaj plaws rau tshaj ib vam tus pej xeeb nyob rau hauv Wisconsin. Nram no yog tag nrho Medicaid cov kev pab cuam muaj nyob hauv Wisconsin. Ib hom kev pab cuam twg muaj cov kev cai sib txawv txog tej yam li qib hnuv nyoog thiab nyiaj txiag tau. Kom tsim nyog tau ib txoj kev pab cuam, koj yuav tsum muaj raws li tag nrho nws cov cai.

### **BadgerCare Plus**

Muaj kev pab them nqi kho mob rau cov neeg muaj nyiaj tsawg uas hnuv nyoog 0–64.

### **BadgerCare Plus Emergency Services**

Muaj kev pab them nqi kho mob tsawg rau cov neeg hnuv nyoog 0–64 uas tsis tsim nyog tau BadgerCare Plus vim yog lawv txoj kev tsiv teb chaws tuaj nyob tiam sis yuav tsum tau muaj kev kho mob tam sis.

### **BadgerCare Plus Former Foster Care Youth**

Muaj kev pab them nqi kho mob rau cov neeg hnuv nyoog 18–25 xyoos uas nyob rau hauv niam qhuav txiv qhuav los yog lwm qhov chaw tawm ntawm nws tsev thaum nws muaj 18 xyoo.

### **BadgerCare Plus Prenatal Program**

Muaj kev pab them nqi kho mob rau cov poj niam cev xeeb me nyuam uas tsis tsim nyog tau BadgerCare Plus vim yog lawv txoj kev tsiv teb chaws tuaj nyob los yog vim lawv nyob rau hauv nkuaj kaw neeg los yog tsev rau txim.

### **Care4Kids**

C Muaj kev tswj tu xyuas rau cov me nyuam thiab cov neeg hluas hnuv nyoog 0–18 xyoo uas tau kev tu nyob sab nraum tsev hauv Cheeb Koog Kenosha, Milwaukee, Ozaukee, Racine, Washington, los yog Waukesha.

### **Children Come First**

Muaj kev tswj tu xyuas pab rau cov hluas tsis nto 19 xyoos, uas nyob rau hauv Cheeb Koog Dane, thiab muaj cov kev puas siab ntsws/hlwb loj heev uas yuav tau nyob rau hauv lawv lub tsev thiab/los yog lub zej zog.

### **Children’s Long-Term Support (CLTS) Waiver Program**

Muaj cov kev pab kho thiab kev txhawb rau cov me nyuam thiab cov hluas tsis nto hnuv nyoog 22 xyoos uas muaj cov kev tsis taus los yog kab mob kev nkeeg cov nyom loj heev uas yuav tau nyob rau hauv lawv lub tsev los yog lub zej zog.

## **Emergency Services Medicaid**

Muaj kev pab them nqi kho mob tsawg rau cov neeg hnuv nyoog 65 xyoos los yog laus dua, dig muag los yog muaj ib txoj kev tsis taus thiab tsis tsim nyog tau Medicaid vim yog lawv txoj kev tsiv teb chaws tuaj nyob tiam sis yuav tsum tau muaj kev kho mob tam sis.

## **Family Care**

Muaj cov kev tu xyuas mus ntev pab rau cov neeg hnuv nyoog 18 xyoo los yog laus dua uas muaj ib txoj kev tsis taus los yog kab mob kev nkeeg cov nyom loj heev uas yuav tau nyob rau hauv lawv lub tsev los yog lub zej zog thaum twg tsim nyog.

## **Family Care Partnership**

Muaj kev pab them rau kev tu xyuas mus ntev, kev kho mob thiab cov tshuaj sau pab rau cov neeg hnuv nyoog 18 xyoo los yog laus dua uas muaj ib txoj kev tsis taus los yog kab mob kev nkeeg cov nyom loj heev uas nws yuav tau nyob nws tib leeg.

## **Family Planning Only Services**

Muaj cov kev kho pab npaj tub kis thiab cov khoom siv kho mob rau cov poj niam thiab txiv neej uas tseem muaj taus me nyuam.

## **Foster Care Medicaid**

Muaj kev pab them nqi kho mob rau cov me nyuam thiab cov hluas hnuv nyoog 0–21 xyoos uas nyob rau ntawm ib lub chaw tawm ntawm tsev los yog yuav tau kev pab saws me nyuam.

## **Institutional Medicaid**

Muaj kev pab them rau cov kev tu xyuas mus ntev rau cov tib neeg hnuv nyoog 65 xyoos los yog laus dua, cov dig muag, los yog muaj ib txoj kev tsis taus thiab yeej nyob los yog yuav mus nyob rau hauv ib lub tsev kho mob luv kawg li 30 hnuv sib law liag.

## **IRIS**

Muaj cov kev tu xyuas ntev pab rau cov neeg hnuv nyoog 18 xyoo los yog laus dua uas yuav tsum tau muaj kev pab tu xyuas txhawb mus ntev thiab xav ua tus tswj cov kev pab tu rau nws tus kheej.

## **Katie Beckett**

Muaj kev pab them nqi kho mob rau cov me nyuam hnuv nyoog tsis nto 19 xyoos uas muaj cov kev tsis taus mus ntev los yog kab mob kev nkeeg cov nyom uas nyob nrog lawv lub tsev neeg.

## **Medicaid Purchase Plan**

Muaj kev pab them nqi kho mob rau cov neeg muaj kev tsis taus uas hnuv nyoog 18 xyoo los yog laus dua thiab ua hauj lwm los yog txaus siab xav ua hauj lwm.

## **Program of All-Inclusive Care for the Elderly (PACE)**

Muaj kev pab them rau kev tu xyuas mus ntev, kev kho mob thiab tshuaj sau rau cov tib neeg hnuv nyoog 55 xyoos los yog laus dua uas nyob hauv Cheeb Koog Milwaukee, Racine los yog Washington.

## **Qualified Disabled and Working Individual (QDWI) Program**

Pab them rau cov nqi muas Medicare Ntu A rau cov neeg muaj kev tsis taus uas tseem ua hauj lwm.

## **Qualified Medicare Beneficiary (QMB) Program**

Pab them rau cov nqi muas Medicare Ntut A thiab Ntu B, cov nqi lov them thiab cov nqi nrog muas.

## **SeniorCare**

Pab them rau cov tshuaj sau rau cov neeg hnuv nyoog 65 xyoos los yog laus dua.

## **Specified Low Income Medicare Beneficiary (SLMB) Program**

Pab them rau cov nqi muas Medicare Ntu B.

## **Specified Low Income Beneficiary (SLMB+) Program**

Pab them rau cov nqi muas Medicare Ntu B rau cov neeg tsis muaj npe koom nrog qee cov kev pab cuam, xws li txoj kev pab them nqi kho mob Medicaid uas pab txiaj ntsim txhij txhua.

## **Special Status Medicaid**

Muaj kev pab them nqi kho mob rau qee cov neeg uas yeej tau nyiaj Supplemental Security Income (SSI) yav dhau.

## **SSI Medicaid**

Muaj kev pab them nqi kho mob rau cov me nyuam thiab cov laus uas tau nyiaj SSI.

## **SSI-Related Medicaid**

Muaj kev pab them nqi kho mob rau cov neeg laus hnuv nyoog 65 xyoos los yog laus dua, cov neeg uas ntsuas pom tias dig muag los yog tsis taus los ntawm lub Koom Haum Ntsuas Kev Tsis Taus (Disability Determination Bureau).

## **Tuberculosis-Related Medicaid**

Cov kev pab rau cov neeg uas ntsuas pom mob ntsws tuberculosis tiam sis tsis tsim nyog tau Medicaid los yog BadgerCare Plus.

## **Wisconsin Well Woman Medicaid**

Muaj kev pab them nqi kho mob rau cov poj niam tsis nto hnuv nyoog 65 xyoos uas yuav tau muaj kev kho qog nqaj hlav cancer ntawm mis los yog tsev me nyuam los yog qee cov kev pib mob qog nqaj hlav cancer.

## **Wraparound Milwaukee**

Muaj kev pab tswj cov kev tu xyuas rau cov neeg hluas tsis nto hnuv nyoog 21 xyoos, uas nyob rau hauv Cheeb Koog Milwaukee, thiab muaj cov kev tu ncuaj loj heev ntawm kev coj yam ntxwv, siab ntsws thiab hlwb.